

Na osnovu člana 46. Zakona o prostornom uređenju ("Službene novine Kantona Sarajevo", br. 7/05), i člana 37. Statuta Općine Novi Grad Sarajevo ("Službene novine Kantona Sarajevo", br. 30/09 - Prečišćeni tekst) Općinski načelnik, dana 20.05.2014. godine, verificirao je i donio

**ODLUKU
O KOREKCIJI REGULACIONOG
PLANA "HEPOK-ČENGIĆ VILA III"
(trasa Južne longitudinalne)**

Član 1.

Utvrđuje se Korekcija Regulacionog plana "Hepok-Čengić Vila III" ("Službene novine Kantona Sarajevo", broj 13/02), u daljem tekstu: Korekcija Plana.

Član 2.

Korekcijom Plana je usklađena trasa Južne longitudinalne i VI transferzale iz Glavnog projekta sa Idejnim rješenjem u navedenom Planu, kojim se definiše status objekata i slobodnog zemljišta, kao i priključci naseljskih saobraćajnica koji su bili u zaštitnim pojasevima.

U grafičkom prilogu br. 3. korekcije Plana su naznačene intervencije na objektima koji su bili obuhvaćeni Idejnim rješenjem Južne longitudinalne i VI transferzale, a čiji status se mijenja ili ostaje isti.

Član 3.

Korekcija Plana sastoji se iz tekstualnog dijela i grafičkog priloga sa prikazanim parcelama i građevinskim linijama planiranih objekata.

Tekstualni dio i grafički prilog korekcije Plana su sastavni dio Regulacionog plana "Hepok-Čengić Vila III" ("Službene novine Kantona Sarajevo", broj 13/02).

Član 4.

Korekcija Plana je rađena za fazu urbanizma i saobraćaja, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "Hepok-Čengić Vila III", te da pribavi saglasnost nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Novi Grad Sarajevo, Zavoda za planiranje razvoja Kantona Sarajevo, Ministarstva prostornog uređenja i zaštite okoliša Kantona Sarajevo i Gradske uprave Grada Sarajeva - Službe za urbano planiranje i stambene poslove.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Novi Grad, a naknadno će se objaviti u "Službenim novinama Kantona Sarajevo".

Broj 02-05-17748/13-7
20. maja 2014. godine

Općinski načelnik
Mr. Semir Efendić, s. r.

